

EPISTRE.

ont veu la valeur, la France en a tiré le service, & nous en auons les memoires pour le lustre de la posterité. Je ne veux, Madame, icy dresser une harangue des louanges des vostres, ny des vertus qui sont en vous, me suffisant de vous éclaircir la cause de ce que i'escris, qui est ma deuotion à vous faire service, & icelle esguillonée par l'opinion de vostre vertu & excellence, ioint le bon rapport de vostre courtoisie naturelle à l'endroit de ceux qui cherissent les lettres, que m'ôt fait les seigneurs de Bar, & Villemin, nourrisiers de l'esprit de vostre petit Comte de Roussillon, & de la nourriture duquel, i'espere vous serez contente, & la France encor leur en demeurera redevable! Pour donc ne souffrir que le temps s'escoulast vainement en moy, & que ie ne fusse oisif tant à recognoistre ceux qui me rendent leur obligé, qu'à monstrier que mes actions volent d'autre aïsse que le tēps passé, & que mes escrits ont ne scay quoy de plus serieux, i'ay basty ce liure de plusieurs sortes de materiaux, afin d'en donner plus de plaisir, & contentement à ceux qui me feront cest honneur de le lyre, plus pour me favoriser en mon travail, que pour calomnier mon trop de hardiesse: & pour me targuer cōtre ceux-cy, i'ay escrit la sauuegarde sur le chapiteau du logis, portant le nom & de Touraine, & de Tournon, esperant que nul sera si hardy d'y loger autrement que bien à point, voyant qui sont ceux qui prennent la deffence & protection de ceste œuvre. Lequel, Madame, paint les mœurs, facons, loix, costumes, & religion de presque toutes les nations qui sont sur la terre: & où les plus cler voyans y trouueront où exercer la gētillesse & subtilité de leur veüe, pour y cherir ma diligence, qui ay feilleté un nombre infiny de liures, afin de contenter ceux, qui se contentoyent du peu que sur ce suiet auoit tracé le bon homme, sous le nom duquel par cy deuāt ce liure se faisoit recognoistre. D'un cas suis-ie seur, que vous y prendrez plaisir tant pour la diuersité des histoires y cōtenues, que pour voir que tout